



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1601. usque ad annum 1605

Fleury, Claude

August. Vind. [u.a.], 1776

VD18 90118790

§. 50. Bellum Belgicum a Philippo Hispaniæ Rege Spinolis Marchionibus
commendatum.

[urn:nbn:de:hbz:466:1-67204](https://nbn-resolving.org/urn:nbn:de:hbz:466:1-67204)

Sæc. XVII.
A. C. 1603.
quentare, indicta poena prohibet. Hæc
jus Synodi acta, ut autoritate Apo-
stolica firmarentur, Christophorus Episcopus
Romam transmisit ad Clementem VIII. summum Pontificem, ad
quem sub idem tempus Joannes Eberhardus
Schadiak Montis Lybani Maronita populi
ea in patria sua Metropolitanus in Religionis
negotio Legatus decernebatur.

Præterea ex Orientalibus Synodis
reperiuntur non paucæ, quæ in extre-
mis etiam mundi plagis vel ad instituen-
dos Neophytos vel ad Christianæ Re-
gionis rudimenta tradenda salubriter ce-
lebratæ fuerunt, quarum interim tamen
præcipue tres numerantur a B. Toribio
in Limana Civitate, Americæ meridionalis
Metropoli celebratæ anno millesimo
sexcentesimo primo & subsequen-
tibus duobus annis.

§. L.

*Bellum Belgicum a Philippo Hispaniarum
Rege Spinolis Marchionibus
commendatum.*

*Gallus. de
Bello Bel-
gico l. 15.*

Cum interea Philippus III. Hispaniarum
Rex per Regium suum in Belgio Legatum
Zunigam edoctus fuisset, quod ibidem bellum
lento admodum pede procederet, atque Alberti
copiæ valde imminutæ essent, mox ambobus
fratri-

fratribus Ambrosio & Friderico Spinolæ Marchionibus, de quorum virtute haud immerito sibi magna pollicebatur, negotium dedit, ut præter viginti majora belli tormenta exercitum cogerent peditum viginti millium, Equitumque bis mille: nec vana erat Regis in eos fiducia; quippe cognita Spinularum munificentia, bellique peritia tam frequens erat se ultro ad arma offerentium concursus, ut Ambrosius intra breve temporis spatium Legiones duas Equitum & sexies mille pedites in Germania conduceret, Ductoribus Roberto Barbanfone & Egerolpho Lucemburgensi, quibus binæ aliæ ex Insubria Legiones conjungebantur. Fridericus vero in Belgio Peditibus Jacobum Franciscium, Equitibus vero Vandenbergæ Comitem præfecit.

Sæc. XVII.
A. C. 1603.

§. LI.

Fridericus Spinola navali prælio trucidatus.

Sub idem tempus Grobbenduchio Sylvæ - Ducis Præfecto nuntiatum erat, quod Mauriti Equites numero ferme sexcenti circumjacentes urbi campos populabundi percurrerent: eapropter nulla mora Germetæ, per quod oppidum transiturus erat hostis, suos

Gallut. l. c.
Thuan l. 129.
Hugo Grotius Hist.
l. 12.